

1629. Iis exactionibus indebitis.

approbationem Gabellarum indebite exactarum, vel exigendarum per quoscumque ab Ecclesiis, & Ecclesiasticis predictis, nec etiam in aliquo praesertis Literis derogate, nec praedictare, minusque novennium, vel summam decem, & octo millionum hujusmodi ampliare, quinimo praesentes Literas, omniaque, & singula in eis contenta, omnino, & cum effectu observari, & adimpleri, pecuniisque condonatas hujusmodi in praedicta summa decem, & octo millionum Clero excomputari debere, alioquin praesentes nullas, eo ipso fuisse, & esse declaramus, & decernimus. §.5. Non obstantibus apostolicis, & in universalibus, provincialibusque, & synodalibus Conciliis editis generalibus, vel specialibus Constitutionibus, & Ordinationibus, ceterisque contrariis quibuscumque. Datum Romae apud Sanctam Mariam Majorem, sub annulo Piscatoris die 2. Junii 1629, Pontificatus nostri Anno VI.

Derogatio contrariorum

Dat. die 2. Junii 1629. An. VI.

CCCX.

Confirmatio quarundam Constitutionum in Capitulo Generali Fratrum Discalceatorum Recollectorum nuncupatorum Ordinis Beatae Mariae de Mercede Redemptionis Captivorum.

De his Fratribus vide notata ad Constitutionem CGLXXVI. Cum sicut, sup. fol. 139. Et separatione a Calceatis, Con. CCXXIX. In Sede, hujus Pontificis sup. fol. 62.

URBANUS PAPA OCTAVUS

Ad perpetuam rei memoriam.

Procurator

Sacri Apostolatus Ministerio per abundantiam divinae gratiae (nullis licet nobis suffragantibus meritis) praesidentes, ex injuncti Nobis muneris debito Religiosorum Ordinum quorumcumque in Ecclesia Dei militantium prosperum statum, felicemque directionem sinceris desiderantes affectibus, hisque propterea, praesertim in eorumdem Ordinum Capitulis Generalibus provide sancita fuisse comperimus, ut firma perpetuo, & illibata persistant, exactiusque observentur apostolicae nostrae confirmationis robur libenter adjicimus, ejusdemque muneris partes propensis studiis impertimur, prout conspiciemus in Domino salubriter expedire.

Petitione Procuratoris Generalis

§.1. Exponi siquidem Nobis nuper fecit dilectus filius Alonfus de Sanctissimo Sacramento Fratrum Discalceatorum Recollectorum nuncupatorum Ordinis Beatae Mariae de Mercede Redemptionis Captivorum Procurator Generalis, quod in Capitulo Generali eorumdem Fratrum de Mense Maii anni proxime praeteriti 1628. celebrato, pro felici, prosperoque ipsorum Fratrum regimine, & gubernio Constitutiones editae fuerunt tenoris subsequens, videlicet:

Hic Summus Pontifex inserit duas di-

stinctiones continentes Capita 67. Scilicet in prima distinctione Capita quadraginta, nempe Cap. 1. Ubi nostri Institutii ratio, Religio-nisque nomen exponitur. Cap. 2. De uniformi vita ab omnibus etiam Superioribus observanda. Cap. 3. De indispensabili perpetuitate Regulae, & Constitutionum. Cap. 4. De Officio Divino. Cap. 5. De bonis cum cantu solemniter celebrandis. Cap. 6. De aliis ad Ecclesiam, & Missarum celebrationem spectantibus. Cap. 7. De oratione Mentali. Cap. 8. De suffragiis mortuorum. Cap. 9. De bonis Fratrum obedientia. Cap. 10. De disciplina. Cap. 11. De silentio. Cap. 12. De clausura, & modo exeundi. Cap. 13. De jejunio. Cap. 14. De cibo. Cap. 15. De honesta animi recreatione post prandium. Cap. 16. De vestitu. Cap. 17. De Pralatorum circa communem usum, & epistolas providentia. Cap. 18. De Infirmis. Cap. 19. De Fratribus iter agentibus. Cap. 20. De Redemptione Captivorum. Cap. 21. De his, qui pro Redemptione Captivorum elemosinas petunt. Cap. 22. De Redemptoribus. Cap. 23. De Ordinibus recipendis. Cap. 24. De Confessoribus, & Confessoribus. Cap. 25. De Confessoribus Monialium. Cap. 26. De officio Concionatorum. Cap. 27. De levi culpa, & de eius poena. Cap. 28. De gravi culpa, & de poena ei exhibenda. Cap. 29. De apostatis, & fugitivis. Cap. 30. De incorrigibilibus, & eorum expulsionem. Cap. 31. De aliquibus declarationibus in poenis praedictis observandis. Cap. 32. De absolute apostata, vel excommunicati. Cap. 33. De recipendis ad Ordinem. Cap. 34. De modo, & Cere-moniis, quibus Habitus conferri debet. Cap. 35. De instructione Novitiorum. Cap. 36. De Professione. Cap. 37. De tradendo Habitu manentibus in Seculo, & de recipiendis ad beneficia Ordinis.

In secunda vero distinctione Cap. 27. nempe Cap. 1. De Capitulo Generali. Cap. 2. De Electoribus Capituli Generalis, & eorum convocacione. Cap. 3. De electione Vicarii Generalis. Cap. 4. De aliis ad electionem, & Capitulum spectantibus. Cap. 5. De electione, & officio Procuratoris Generalis Romanae Curiae, & Regiae. Cap. 6. De Officio Vicarii Generalis. Cap. 7. De Capitulo Provinciali. Cap. 8. De electione Provinciali. Cap. 9. De Vicario Provinciali, & ejus electione. Cap. 10. De prima die Capituli Provincialis, & de electione Definitorum, & Procuratoris Generalis Provinciae. Cap. 11. De secunda die Capituli Provincialis. Cap. 12. De tertia die Capituli Provincialis. Cap. 13. De quarta die, & absolute Capituli Provincialis. Cap. 14. De officio Provincialis. Cap. 15. De electionibus in communi, & in particulari. Cap. 16. De statu omnium Provincialium, & de quibusdam aliis ad totum Ordinem spectantibus. Cap. 17. De Definitoribus, eorumque officio. Cap. 18. De officio Commendatorum. Cap. 19. De officio Vicarii Conventus. Cap. 20. De Capitulo Conventuali. Cap. 21. De Visitatore. Cap. 22. De ordine sedendi.

Cap. 23. De Collegiis, & Studentibus in eis. Cap. 24. De Bibliotheca, literarumque exercitio in aliis Conventibus. Cap. 25. De possessionibus habitis, & de domibus accipiendis de novo. Cap. 26. De bonis temporalibus. Cap. 27. De modo servando in petendis elemosynis.

Sequitur Bulla.

Petitione Pontificae praedictarum Constitutionum confirmatio.

§.2. Cum autem, sicut eadem expositio subungebat, praedictus Alonfus plurimum cupiat praesertis Constitutiones hujusmodi, pro firmiori illarum subsistentia, ac inviolabili observantia, apostolicae nostrae confirmationis robore communiti. Nobis propterea, eorumdem Fratrum nomine, humiliter supplicari fecit, ut desuper opportune providere, de benignitate apostolica dignemur.

Confirmatio prout in Rub.

§.3. Nos igitur, qui Constitutiones hujusmodi, aliquibus Romanae Curiae Praelatis pietate, prudentia, & Religionis zelo praestantibus, diligenter examinandas, & ubi opus foret, corrigendas commisimus, Fratres praedictos, specialibus favoribus, & gratiis prosequi volentes, eorumque singulares personas a quibusvis excommunicationis, suspensionis, & interdicti, aliique ecclesiasticis sententiis, censuris, & poenis a jure, vel ab homine, quavis occasione, vel causa latis, si quibus quomodolibet innodate existunt, ad effectum praesentium dumtaxat consequendum, harum serie absolventes, & absolutas fore censentes, hujusmodi supplicationibus inclinati, Constitutiones praesertis hujusmodi, apostolica auctoritate, tenore praesentium perpetuo approbamus, & confirmamus, illisque inviolabilis apostolicae firmitatis robur adjicimus, ac omnes, & singulos, tam juris, quam facti, & alios quoscumque defessus, si qui in praemissis, aut eorum aliquo quomodolibet intervenerint, supplement.

Decretum irritans.

§.4. Decernentes easdem Constitutiones, ac praesentes Literas validas, firmas, & efficaces existere, & fore, suosque plenarios, & integros effectus sortiri, & obtinere, atque ab eisdem Fratribus nunc, & pro tempore existentibus, firmiter, & inviolabiliter perpetuo observari, & adimpleri: sicque, & non aliter in praemissis per quoscumque Judices ordinarios, & delegatos, etiam causarum Palatii Apostolici Auditores, ac S. R. E. Cardinales, etiam de latere Legatos, distraque Sedis Nuntios, judicari, & definiti debere, irritumque, & inane, si quid secus super his a quoquam, quavis auctoritate, scienter, vel ignoranter contigerit attentari. Non obstantibus Constitutionibus, & Ordinationibus Apostolicis, ceterisque contrariis quibuscumque.

Transumptis credi jubet.

§.5. Volumus autem, quod praesentium transumptis, etiam impressis, manu alicujus Notarii publici subscriptis, & sigillo persone in dignitate ecclesiastica constituta munitis, eadem prorsus ubique fides adhibeatur, quae praesentibus adhiberetur, si forent exhibitae, vel ostensa.

Bull. Rom. Tom. VI. Par. I.

Datum Romae apud Sanctam Mariam Majorem, sub annulo Piscatoris, die 2. Junii 1629, Pontificatus nostri Anno Sexto.

CCCXI.

Confirmatio Decreti a Sacra Rituum Congregatione editi super usu Baldachini, & Ministrorum, ac aliarum Cereemoniarum pro Abbatibus Congregationis Cassinensis, alias S. Justinae de Padua.

De hac Congregatione vide notata ad Const. II. Julii II. Super Cathedram. Tom. III. P. III fol. 260. Et de Definitorum electione, eorumque vacatione ab officio, ac dicta auctoritate nonnulla ordinavit istem Pontifex sup. in Const. CCLXVII, Commissi, fol. 126.

URBANUS PAPA VIII.

Ad perpetuam rei memoriam.

Exponi Nobis nuper fecit dilectus filius Dominicus Pinellus Monachorum Congregationis Cassinensis, Ordinis Sancti Benedicti Procurator Generalis, quod alias a Ven. Fratribus nostris S. R. E. Cardinalibus sacris Ritibus praepositis emanavit Decretum tenoris subsequens, videlicet: Cum alias de Anno 1606. sub die 28. Januarii, Sacra Rituum Congregatio, instante Archiepiscopo Firmano, interdixit Priori S. Catharinae Ordinis Canonicorum Regularium in eorum Ecclesia usum aliquarum Cereemoniarum, & de anno 1617. sub die 18. Martii illud Decretum ad instantiam bo. me. Cardinalis Caraffe, Archiepiscopi Neapolitan, extenderit ad omnes Priores, & Abbates cujuscumque Ordinis, etiam Cassinensis, ab hoc Decreto reclamavit Procurator Generalis Cassinensis, & ad sacram Congregationem recursum habuit, asserens: suam Congregationem indefensam fuisse, & re mature, ac diligenter discussa, referen. bon. mem. Cardinale Lancellotto, Sacra Congregatio de anno 1618. sub die 12. Martii, censuit, quoad usum Baldachini, & quorundam Ministrorum in aliis Decretis prohibitorum, recedendum esse a praedictis Decretis de annis 1606, & 1617. emanatis, & licere iisdem Abbatibus, quando solemniter celebrant, uti Baldachino, & apparatu, juxta eorum antiquissimam consuetudinem, ita tamen, ut modeste cum debita convenientia, sine pompa, & auro, atque in tribus ad summum festivitatis quolibet anno utantur, prout in dictis Decretis latius continetur: Nunc demum Archiepiscopus Florentin. ad Sacram Congregationem accedens instetit, prohiberi Abbatibus S. Mariae ejusdem Civitatis Florentinae Ordinis Cassinensis usum Baldachini, & Ministrorum, & aliarum multarum cereemoniarum in dedecus, & praedictum suae Archiepiscopalis dignitatis vergentium, & citato, & interveniente Patre Domi-

Referet Decretum Sacrae Congregationis Rituum emanatum super Pontificatibus ad favorem Congr. Cassinensis.

Dat. die 2. Junii 1629. An. VI.

Domino Dominico Pinello ejusdem Congregationis Cassinensium Procuratore Generali, & partibus saepe, ac saepius auditis, ac negotio diligenter discusso, referente Illustrissimo, & Reverendissimo Domino Cardinale Pio, eadem Sacra Rituum Congregatio inhaerendo dicto ultimo Decreto facto de anno 1618. censuit, & declaravit, licere Abbatibus Cassinen. quando solemniter celebrant, quod in tribus ad summum festivitatis facere eis permittitur, uti Baldachino, sine auro tamen, & pompa, & aliquibus etiam Ministris paratis sacris indumentis. Quia vero numerus horum Ministrorum in aliquibus eorum Monasteriis erat valde excessivus, vetuit, ac prohibuit, ne iidem Abbates solemniter, ut supra celebrantes, alios possint habere Ministros sacris indumentis paratos, quam duos Diaconos, & Presbyterum assistentes, Diaconum, & Subdiaconum pro cantandis Evangelio, & Epistola, ac sex ad summum alios, duos cum Pluvialibus, duos cum Planetis, & duos cum Tunicellis coloris temporali convenientis: quoad reliqua vero in dictis Decretis de annis 1606. & 1617. emanatis contenta, Sacra Congregatio eadem Decreta confirmavit, & quatenus opus sit, innovavit: inhibens omnibus Abbatibus Cassinensibus, ac serio praecipiens, ut in reliquis omnibus ea ad unguem inviolabiliter observent: eorumque dispositioni addidit, ut supradicti Abbates nullo modo debeant, nec possint habere, nec tenere sedem suam abbatialem fixam, & permanentem prope Altare, ut sedes episcopalis retineri consuevit, minusque liceat supradictis sex Monachis paratis, ut supra, sedere in sedibus choralibus, ut Canonico secularium mos est, sed sedes pro Abbate solemniter celebrante retineatur in Ecclesia, is tantummodo tribus diebus, quibus ipse Abbas solemniter celebrat, dictique sex Monachi parati sedere debeant loco congruo juxta Ecclesiarum convenientem situm super scabellis ad hunc effectum tunc appositis panno lanceo coopertis. Die 29. Januarii 1628.

Quod instantiam Procuratoris Generalis approbat, atque confirmat.

§.2. Cum autem, sicut eadem expositio subjungebat, Dominicus praedictus plurimum cupiat, praesertim Decretum hujusmodi, quo firmius subsistat, & inviolabiliter observetur, Apostolicae nostrae confirmationis robore communiri; Nos ejus votis hujusmodi annuere, illumque specialibus favoribus, & gratiis prosequi volentes, & a quibusvis excommunicationis, suspensionis, & interdicti, aliisque ecclesiasticis sententiis, censuris, & poenis, a jure, vel ab homine quavis occasione, vel causa latis, si quibus quomodolibet innodatus existit, ad effectum praesentium dumtaxat consequendum, harum serie absolventes, & absolutum fore censentes: supplicationibus ejus nomine Nobis super hoc humiliter porrectis inclinati, praesertim Decretum hujusmodi apostolica auctoritate tenore praesentium perpetuo approbamus, & confirmamus, illique inviolabilis Apostolica firmitatis robor adiciamus; ac omnes, &

singulos, tam juris, quam facti, & quovis alios defectus, si qui desuper quomodolibet intervenerint, aut intervenisse dici, vel censeferi possent, supplemus.

§.3. Decretumque hujusmodi, necnon praesentes Literas cum omnibus in eis contentis semper, & perpetuo valida, firma, & efficacia existere, & fore, suosque plenarios, & integros effectus sortiri, & obtinere, ac eidem Congregationi, illiusque Abbatibus, ac Monachis, & personis in omnibus, & per omnia plenissime suffragari, neque illos a quoquam quavis auctoritate super praemissis quovis modo, impediri, molestari, inquietari, vel perturbari unquam posse, nec debere.

§.4. Et ita per quoscumque Judices ordinarios, & delegatos, etiam causarum Palatii Apostolici Auditores judicari, & definituri debere: ac irritum, & inane, si quid secus super his a quoquam, quavis auctoritate scienter, vel ignoranter contigerit attentari, decernimus, & declaramus.

§.5. Quocirca dilectis filiis nostris, & Apostolicae Sedis Nuntiis, ac causarum Cur. Camerae Apostolicae Generali Auditori per praesentes committimus, & mandamus, quatenus per se, vel alium, seu alios praesentes Literas, & in eis contenta hujusmodi, ubi, & quando opus fuerit, ac quoties pro parte Abbatum, & Monachorum dictae Congregationis requisiti fuerint, seu aliquis eorum requisitus fuerit, solemniter publican. eisque in praemissis efficacis defensionis praesidio assistentes, faciant auctoritate nostra Abbatibus, & Monachos praedictos praemissorum omnium, & singulorum commodo, & effectui pacifice frui, & gaudere, non permittent. illos desuper a quoquam quavis auctoritate quomodolibet indebite molestari, vel inquietari: contraditores quoslibet, & rebelles per sententias, censuras, & poenas Ecclesiasticas, aliaque opportuna juris, & facti remedia, appellatione postposita, compescen., invocato etiam ad hoc, si opus fuerit, auxilio brachii secularis.

§.6. Non obstante fel. rec. Bonifacii Papae Octavi Praedecessoris nostri de una, & in Concilio generali edita de duabus dietis, dummodo ultra tres dietas aliquis, auctoritate praesentium, in iudicium non trahatur, aliisque Constitutionibus, & Ordinationibus Apostolicis, necnon quibusvis etiam juramento, confirmatione apostolica, vel quavis firmitate alia roboratis statutis, & consuetudinibus, privilegiis quoque, indultis, & Literis Apostolicis sub quibuscumque tenoribus, & formis, ac cum quibusvis clausulis, & decretis in contrarium praemissorum quomodolibet concessis, confirmatis, & innovatis. Quibus omnibus, & singulis, eorum tenores praesentibus pro sufficienter expressis habentes, illis alias in suo robore permanentibus, hac vice dumtaxat specialiter, & expresse derogamus, ceterisque contrariis quibuscumque.

§.7. Volumus autem, quod praesentium transumptis, etiam impressis, manu alicujus Notarii publici subscriptis, & sigillo per-

Clausulas praeservativas apponit.

Ita iudicari decernit.

Executores deputati.

Obstantibus derogat.

Transumptis credi mandatur.

personae in dignitate ecclesiastica constitutae munitis eadem proliis fides adhibeatur, quae eisdem praesentibus adhiberetur, si forent exhibita, vel ostensa.

Datum Romae, apud Sanctam Mariam Majorem, sub Annulo Piscatoris die 11. Julii 1629. Pontificatus nostri Anno VI.

CCCXII.

Confirmatio Restitutionis Provinciae Saxoniae Fratrum Minorum de Observantia mediante recuperatione conventuum eorum manibus haereticorum, &c.

URBANUS PAPA VIII.

Ad perpetuam rei memoriam.

§.1. Exponi Nobis nuper fecit Dilectus filius Josephus Bergaigne Ordinis Fratrum Minorum Sancti Francisci de observantia univertorum Difinitor Generalis, ac super Provincias Germania, Belgii, Hyberniae, Angliae, Scotiae, & aliis Commissarius etiam Generalis, quod alias in Capitulo Generali ejusdem Ordinis ultimo celebrato statutum, & decretum fuit, ut postliminio Provinciae Saxoniae S. Crucis occupatae dicti Ordinis restitueretur, prout restituta existit. Unde concessa postmodum per Nos eidem Josepho per alias nostras, in simili forma Brevis expressas Literas facultate, omnes nimirum Regulares Domus ipsius Ordinis in partibus Germaniae existentes, & in antea per haereticos, seu alios indebite occupatas recuperandi, & exinde plurimis Regularibus Domibus hujusmodi recuperatis divina favente clementia, dictus Josephus Dominica sexta post Pentecosten. anni proxime praeteriti 1628. praedictum Capitulum Provinciale ipsius Provinciae Sanctae Crucis in Domo Regulari Montis Sanctae Mariae prope Euldam ejusdem Ordinis celebravit.

§.2. Cum autem sicut eadem expositio subjungebat, praedictus Josephus plurimum cupiat Provinciam hujusmodi ad Dei gloriam sic restitutam, quo firmius subsistat, omnia pristina ejus jura sibi competentia per Nos apostolica auctoritate confirmari, ideo Nobis humiliter supplicari fecit, ut desuper opportune providere, de benignitate apostolica dignaremur.

§.3. Nos igitur prospero, felicique dictae Provinciae statui, quantum cum Domino postumus consulere, dictumque Josephum specialibus favoribus, & gratiis prosequi volentes, & a quibusvis excommunicationis, suspensionis, & interdicti, aliisque ecclesiasticis sententiis, censuris, & poenis a jure, vel ab homine, quavis occasione, vel causa latis, si quibus quomodolibet innodatus existit ad effectum praesentium dumtaxat consequendum harum serie absolventes, & absolutum fore censentes, hujusmodi supplicationibus inclinati de Venerabilium Fratrum Nostrorum Sanctae Romanae Bull. Rom. Tom. VI. Par. I.

Dat. die 11. Julii 1629. An. VI.

Ex Regest. in Secret. Brevis.

Decretum Capituli Generalis.

Josephus Bergaigne praesentium Provinciae S. Crucis competentia petit confirmari.

Cui annuit Pontifex.

Ecclesiae Cardinalium negotiis Regularium praepositorum consilio, restitutionem praedictae Provinciae, ut supra factam, omniaque, & singula illius jura sibi olim quomodolibet competentia apostolica auctoritate tenore praesentium perpetuo approbamus, & confirmamus, illisque inviolabilis apostolicae firmitatis robor adiciamus.

§.4. Decernentes praesentes Literas, aliaque praedicta valida, firma, & efficacia existere, suosque plenarios, & integros effectus sortiri, & obtinere, ac eidem Provinciae in omnibus, & per omnia plenissime suffragari; & ita per quoscumque Judices, & Commissarios quavis auctoritate fungentes, etiam causarum Palatii Apostolici Auditores, judicari, & definituri debere, ac irritum, & inane, si secus super his a quoquam, quavis auctoritate scienter, vel ignoranter contigerit attentari.

§.5. Non obstantibus Constitutionibus, & Ordinationibus Apostolicis, ac quatenus opus sit dicti Ordinis etiam juramento, confirmatione apostolica, vel quavis firmitate alia roboratis statutis, & consuetudinibus, ceterisque contrariis quibuscumque.

§.6. Volumus autem, quod praesentium transumptis, seu exemplis, etiam impressis, manu alicujus Notarii publici subscriptis, & sigillo personae in ecclesiastica dignitate constitutae munitis, eadem proliis fides ubique habeatur, quae ipsis praesentibus habetur, si forent exhibita, vel ostensa.

Datum Romae apud S. Mariam Majorem sub Annulo Piscatoris, die 20. Junii 1629. Pontificatus nostri Anno VI.

CCCXIII.

Facultas Cardinali ab Harach, & Apostolico apud Imperatorem Nuntio, cum eodem Imperatore super bonis, Decimis, Primitiis, rebus, Juribus, & actionibus quibuscumque ad Ecclesiasticos Regni Bohemiae, non tamen ad Hospitale S. Joannis Hierosolymitani spectantibus, conveniendi, & transigendi.

URBANUS PAPA OCTAVUS

Ad futuram rei memoriam.

Inter gravissimas, multiplicisque apostolicae servitutis curas, quibus pro nostri pastoralis officii debito jugiter angimur, illa Nos praecipue sollicitos habet, ut sacrosancta fides catholica dispersis, atque conculcatis inimici hominis zizanibus ubique gentium inviolata vigeat, & propagetur, haeresisque, & alii damnati errores e mentibus Christianorum ubi peccatis hominum facientibus irreperunt, per immentem Dei bonitatem penitus evellantur; Quapropter Nos, qui militantis ecclesiae regimen, omnimodamque universi Domini gregis a Christo Domino curam in Beatissimo Petro Apostolorum Principe accepimus; Et si Nos

Clausulae.

Obstantibus collatur.

Transumptis fides danda.

Dat. die 20. Junii 1629. An. VI.

Ex Regest. in Secret. Brevis.

Poenitentium.

Cause con-
ceden de facul-
tatis.

Facultate, do
qua in Rubri-
ca.

ad omnium salutem procurandam, debito-
res agnoscimus, iis tamen Provinciis pec-
culiare pastoralis vigilantie studium im-
pendimus, qua dextera Domini faciente
virtutem e manibus hereticorum non ita
pridem erepta opem, & operam nostras
magis implorare dignoscuntur, pioque
Catholicorum Principum conatus, atque
desideria ad id tendentia, favoribus, & gra-
tiis profusemur opportunis.

§.1. Cum itaque concitata retroactis
temporibus in Regno Bohemia per Prin-
cipes, & potestates tenebrarum rebellione,
furentibusque etiam armata heresi, sedi-
tionibus, bellisque intestinis multa bona,
& jura ecclesiastica partim direpta, partim
occupata, & usurpata fuerint, ac ad pre-
sens detineantur; Charissimus vero in Chri-
sto filius noster Ferdinandus Romanorum
Rex in Imperatorem electus pro suo avito,
& spectato Religioni, ac Fidei Catholicae
hujusmodi zelo profigatis auxiliante Do-
mino Deo exercituum, rebellibus hereti-
cis, sedatisque armorum motibus fidei pre-
dictae in dicto Regno, & illi adiacentibus
Provinciis, bonorumque ecclesiasticorum
restitutioni totis viribus incubuerit, & eor-
undem hereticorum conversioni, heresi-
sumque praedictarum extirpationi pia solici-
tudine jugiter invigilet.

§.2. Nos sperantes negotium restituti-
onis, extirpationis, & conversionis praedi-
ctarum eo faciliores progressus habiturum
fore, quo major in ecclesiasticorum bono-
rum, & jurium possessionibus in dictis Re-
gno, & Provinciis praeteritorum temporum
hujusmodi confusione, ut praefertur, occu-
patis, usurpatis, & detentis, nedium beni-
gnitas, & indulgentia ab hac Sancta Sede
ostendatur, sed etiam indemnitati Ecclesiarum
praedictarum quantum cum Domino
possumus consulatur; Nobisque persuaden-
tes praedictarum Ferdinandum Romanorum
Regem in Imperatorem electum, ob praer-
clarum ejus in Nos, & Sedem eandem ob-
servantiam, atque in reductione Regni, &
Provinciarum hujusmodi ad ejusdem Eccle-
siae gremium, & vere Fidei praedictae con-
fessionem, nostramque, & pro tempore
existentis Romani Pontificis obedientiam
singulare studium infra scripta facultate tam-
quam materna sua pietatis exercenda usu-
rum, eamque ostensurum, tam in Ecclesiis,
Monasteriis, & locis piis, quae adhuc ex-
tant conservandis, & manutendis, quam
dirutis, & evertis in dies instaurandis, oc-
cupatisque recuperandis, hisque sufficienter
dotandis, ac reliquis denique vulneribus,
quae eorundem temporum confusione Eccle-
siae ipse maxima acceperunt, medendis,
& sanandis; De Ven: Fratrum nostrorum
Sanctae Romanae Ecclesiae Cardinalium ne-
gotio Propagandae in universo mundo fidei
praepositorum consilio, dilecto filio nostro
Ernesto Adalberto S. R. E. Presbytero Car-
dinali ab Harach nuncupato Ecclesiae Pra-
gen., ex concessione, & dispensatione apo-
stolica Praefuli, necnon Ven: Fratri Joanni
Baptista Archiepiscopo Theffalonicen. no-

stro, & sedis praedictae apud eundem Ferdin-
andum Regem in Imperatorem electum
Nuntio, super bonis, Decimis, Primitiis,
rebus, juribus, & actionibus quibuscumque
Ecclesiasticis Regni Bohemiae praedicti, non
tamen ad hospitale S. Joannis Hierosolymi-
tani quomodolibet spectantibus, cujuscum-
que qualitatis, quantitatis, & valoris fue-
rint, ac quocumque praetextu, vel causa
occupata, & usurpata sint, ac detineantur,
tam nostro, & ejusdem S. Sedis, quam Cle-
ri secularis, & Regularis ejusdem Regni
nominebus cum praedicto Ferdinando Ro-
manorum Rege in Imperatorem electo
conveniendi, concordandi, & transigendi,
ac de eisdem bonis disponendi, prout ad fi-
dei Catholicae in eodem Regno propagatio-
nem, ac manutentionem eisdem expedire
visum fuerit, reservata tamen Nobis, &
eidem Sedi de bonis, juribus, & redditibus
vigore praesentium assignandis nostro, &
dictae Sedis arbitrio ad Dei servitium, &
Ecclesiarum dicti Regni utilitatem dispo-
nendi, omnimoda facultate, & potestate,
plenam, & liberam potestatem, & aucto-
ritatem apostolica auctoritate tenore praesentium,
concedimus, & impertimur.

§.3. Non obstantibus nostris de unio-
nis committendis ad partes, vocatis, quo-
rum interest, & exprimendo valore Benefi-
ciorum, ac de non tollendo jure quaesito,
aliisque Cancellariae Apostolicae regulis,
necnon pia memoriae Simachi, quae incipit:
Non liceat: Ac Pauli II. Rom. Pont. Prae-
decessorum nostrorum de rebus Ecclesiae
non alienandis, & quibuscumque aliis apostolicis,
necnon in universalibus, provincialibusque,
& synodalibus Conciliis editis generalibus,
vel specialibus Constitutionibus, & Ordina-
tionibus, ac quaecumque Ecclesiarum,
Monasteriorum, & locorum piorum fun-
dationibus, ac etiam Juramento, confir-
matione apostolica, vel quavis firmitate
alia roboratis statutis, & consuetudinibus,
privilegiis quoque, Indultis, & Literis Apo-
stolicis in contrarium praemissorum quomo-
dolibet concessis, confirmatis, & innova-
tis. Quibus omnibus, & singulis illorum
tenores praesentibus pro plene, & sufficien-
ter expressis, ac de verbo ad verbum inser-
tis habentes, illis aliis in suo robore per-
mansuris, hac vice dumtaxat specialiter, &
expresse derogamus, ceterisque contrariis
quibuscumque.

Datum Romae apud S. Mariam Major-
rem, sub Annulo Piscatoris die septima
Julii 1629. Pontificatus nostri Anno VI.

Datum die 7.
Julii 1629.
An. VI.

Derogatio
contrarium

Unio

CCCXIV.

Unio quarumdam Domorum Regularium
Provinciarum novi Regni Granaten., seu
Quiten, in Indiis Occidentalibus Fratrum
Discalceatorum Ordinis Eremitarum S.
Augustini, sub gubernio Fratrum Cal-
ceatorum ejusdem Ordinis existentium,
Fratribus Discalceatis dicti Ordinis, Cong-
regationis Hispaniarum.

De hujusmodi Fratribus lege, qua notavi ad
Constit. XLIX. Pastoralis. Tom. V. Par. IV.
fol. 49. Et ad aliam Constit. LXXV. Ad
sacram. Tom. V. Par. V. fol. 56. Praeter,
qua scito hunc Sanctissimum Pont. Congr.
Italiae horum Fratrum in quatuor Provin-
cias divisisse, ut in Constit. CLXXXIX. Ad
uberis. ut Supr. fol. 5.

URBANUS PAPA VIII.

Ad perpetuam rei memoriam.

Proemium.

UNIVERSALIS Ecclesiae regimini, nullis li-
cet nostris suffragantibus meritis, sed
immenfa Redemptoris nostri benignitate
praepositi, ex injuncti Nobis muneris debi-
to Christianitatum sub suavi Religione ju-
go, & strictioris observantiae regulis Altissi-
mo famulantium votis, per quae prospero,
felicitate eorum statui, atque progressui op-
portune consulitur, libenter annuimus, ac
desuper ejusdem muneris partes propensis
studii interponimus, ut iidem Christi fide-
les in pacis amoenitate, ac justitia, & san-
ctitate coram Domino felicioribus in dies
proficere valeant incrementis.

§.1. Exponi siquidem Nobis nuper fecit
dilectus filius Franciscus de Resurrectione,
Procurator generalis Fratrum Discalceato-
rum nuncupatorum Ordinis Eremitarum
Sancti Augustini domorum Regularium
Beatae Mariae de Candelaria, ac Sanctae Cru-
cis de la Popa in Provincia novi Regni Gra-
naten., necnon S. Josephi de Panama ejus-
dem seu Quiten, Provinciae in Indiis Occi-
dentalibus sub cura, & gubernio Fratrum,
Calceatorum ejusdem Ordinis existentium,
quod Fratres praedicti pro majori divini cul-
tus incremento, ac Catholicae Religioni
propagatione, & felicitate eorum statu, &
directione, se, & eorum domos praedictas
dilectis etiam filiis Fratribus Discalceatis
etiam nuncupatis dicti Ordinis Congrega-
tionis Hispaniarum per Nos, ut infra, uniri,
& incorporari plurimum desiderent, & ad
hoc dilectorum filiorum Prioris generalis
dicti Ordinis, ac Vicarii dictae Congrega-
tionis expressus accedit assensus. Quare
Nobis humiliter supplicari fecerunt, ut eor-
um votis hujusmodi annuere de benigni-
tate apostolica dignaremur.

§.2. Nos igitur, qui Religiosorum Or-
dinum quorumcumque in Ecclesia Dei mi-
litantium pacem, felicemque statum sinceris
desideramus affectibus, Franciscum, &
Fratres primodictos specialibus favoribus, &
gratiis prosequi volentes, & eorum singu-

Urban. Mona-
stria d. Pro-
vinciae unit
praed. Congr.
ita ut unum
corpus inter
se absque ali-

lares personas a quibusvis excommunicatio-
nis, suspensionis, & interdicti, aliisque ec-
clesiasticis sententiis, censuris, & poenis a
jure, vel ab homine quavis occasione, vel
causa latis, si quibus quomodolibet innoda-
tae existunt, ad effectum praesentium dum-
taxat consequent., harum serie absolventes,
& absolutas fore censentes, hujusmodi sup-
plicationibus inclinati, de Ven. Fratrum
Nostrorum S. R. E. Cardinalium negotiis
Regularium praepositorum consilio, Fratres
Discalceatos primodictos, eorumque do-
mos praedictas Fratribus Discalceatis Cong-
regationis Hispaniarum Ordinis hujusmo-
di, itaut unum corpus simul, unamque
Congregationem sub eisdem legibus, con-
stitutionibus, & juribus constituant, nec
aliqua inter eos sit differentia.

§.3. Ipsique primodicti Fratres Discal-
ceati secundo dictis Fratribus hujusmodi
sefe conformare, necnon Vicario generali
dictae Congregationis, & Commissario ab
eo ad domorum Regularium praedictarum
regimen, & gubernium pro tempore depu-
tatum, subesse, eisque debitam obedientiam,
& reverentiam in omnibus praestare de-
beant.

§.4. Ita tamen, ut iidem primodicti
Fratres Conventuum Indiarum hujusmodi
in eorum negotiis, & causis possint libere,
& licite recurrere etiam per viam appella-
tionis ad Priorem generalem dicti Ordinis
Sancti Augustini, necnon ad Sedem Apo-
stolicam, omisso medio, non secus atque si di-
cta unio quoad hoc facta non fuisset, apo-
stolica auctoritate ten. praesentium perpetuo
unimus, anneclimus, & incorporamus.

§.5. Eisque primodictis Fratribus, &
Regularibus domibus, quod omnibus, &
singulis privilegiis, indultis, favoribus,
exemptionibus, libertatibus, immunitatibus,
indulgentiis, concessionibus, & gratiis,
quibus alii praedictae Congregationis Fra-
tres, eorumque domus de jure, usu, con-
suetudine, privilegio, aut aliis quomodoli-
bet utuntur, fruuntur, & gaudent, ac uti,
frui, & gaudere possunt, & poterunt quo-
modolibet in futurum, pari modo, & absque
ulla prorsus differentia uti, frui, potiri, &
gaudere libere similiter, & licite possint,
& valeant in omnibus, & per omnia, pe-
rinde ac si ab initio erectionis dictae Con-
gregationis primo dicti Fratres, eorumque
domus Regulares praedictae eidem Congre-
gationi unire, & incorporate fuissent, au-
thoritate, & ten. praedictis concedimus, &
indulgemus.

§.6. Decernentes, praesentes Literas, &
in eis contenta quaecumque semper, & per-
petuo valida, firma, & efficacia existere, &
fore, suosque plenarios, & integros effectus
fortiri, & obtinere, ac primodictis Fratri-
bus in omnibus, & per omnia plenissime
suffragari.

§.7. Sicque, & non aliter per quoscum-
que Judices ordinarios, & delegatos, etiam
causarum Palatii Apostolici Auditores, ac
Sanctae Romanae Ecclesiae Cardinales etiam
de Latere Legatos, & Sedis Apostolicae
Nun-

qua differen-
tia constituant

Fratres Pro-
vinc. sic unit.
Vicari. Gener.
Congr., &
Commissario
ad eorum gu-
bernium Depu-
tatis subesse
debitam subes-
sere debere de-
clarat.

Et recursum
ad Priorem
Gen. Ordini
S. Augustini,
ac Sedem Ap.
concedit.

Eisque privi-
legia omnia,
& indulta ipsi
Congr. com-
petentia con-
cedit, ac eis
pariter uti
indulget.

Clausulas pra-
servativas ad-
dit.

Decretum ite-
ritas apponit

Nuntios Judicari, & definiri debere, irritumque, & inane, si quid seors super his a quoquam, quavis auctoritate scienter, vel ignoranter contigerit attentari.

Contraria tollit.

§.8. Non obstantibus quibusvis Apostolicis, ac in universalibus, provincialibusque Conciliis editis generalibus, vel specialibus Constitutionibus, & Ordinationibus, necnon Ordinis, & Congregationis, ac Domorum, & Provinciarum hujusmodi etiam juramento, confirmatione Apostolica, vel quavis firmitate alia roboratis statutis, & consuetudinibus, privilegiis quoque, indultis, & Literis Apostolicis sub quibuscumque ten., & formis, ac cum quibusvis clausulis, & decretis in contrarium praemissorum quomodolibet concessis, confirmatis, & innovatis. Quibus omnibus, & singulis, illorum ten. praesentibus pro sufficienter expressis habent, illis aliis in suo robore permanentibus, hac vice dumtaxat specialiter, & expresse derogamus, caterisque contrariis quibuscumque.

Exemplis si dem mandata.

§.9. Volumus autem, quod praesentium transumptis, etiam impressis, manu alicujus Notarii publici subscriptis, & sigillo personae in dignitate ecclesiastica constitutae munitis eadem prorsus ubique fides adhibeatur, quae ipsis praesentibus adhiberetur, si forent exhibita, vel ostensa.

Dat. die 16. Julii 1629. An.VI.

Datum Romae, apud Sanctam Mariam Majorem, sub Anno Piscatoris die 16. Julii 1629, Pontificatus nostri Anno VI.

CCCXV.

Ex Regest. in Secret. Rova.

Episcopo Osnaburgensi facultas conceditur erigendi Academiam in ipsa Civitate Osnaburgensi: cui quidem Academiae ceterarum Academicarum privilegia conceduntur.

URBANUS EPISCOPUS

SERVUS SERVORUM DEI

Ad perpetuam rei memoriam.

Procurator.

Salvatoris, & Domini Nostri Jesu Christi vices, licet immeriti, gerentes in terris, ingenti utique desiderio ducimur, & cura propensioris sollicitudinis excitamur, ut Academiae, aliaque Literarum studia, per quae tenebrosa ignorantiae caligo expellitur, scientiarum thesaurus acquiritur, veritas agnoscitur, pestifera haeresis extirpatur, funditusque tollitur, fides catholica, & divinus cultus augetur, atque ad specialis, & temporalis gaudii gloriam pervenitur, laudabilibus incrementis dirigant ubilibet, & propensius invalescant in illis potissime locis, & partibus, quae idonea, & accommodata fere noscuntur ad multiplicanda doctrinae semina, & germina salutaria producenda.

Causa Academicam erigendi.

§.1. Sane pro parte Venerabilis Fratris nostri Francisci Gulielmi Episcopi Osnaburgensis, & Sac. Rom. Imper. Principis Nobis

nuper exhibita petitio continebat, quod Civitas Osnaburgensis, in qua olim clara memoriae Carolus Magnus Romanus Rex, & Imperator Augustus post fundatam, & institutam in ea, quam Saxoniae Metropolim esse cupiebat Sedem Episcopalem, Scholas publicas, in quibus Sacra Theologia, & liberales artes, ac lingua potissimum Graeca, & Haebraica publice docerentur, & quas quasi Seminarium, e quo viri eruditi in totam Saxoniam prodirent, esse voluerat, fundaverat, & instituerat, cujusque, & fundatoris mens fuerat, ut Scholae hujusmodi, quae jam ab octuaginta circiter annis injuria temporum, & bellorum, ac pestiferae haeresis, qua tota fere Dioecesis Osnaburgensis, in qua etiam Parochiae supra tercente enumerantur, infecta est, & Parochis doctis destituta, abolerentur, publica, ac totius quasi Saxoniae primariae essent, prout ex ipsis historiis, & antiquis illorum temporum monumentis facile colligi potest, celebris admodum, & populosa, ac situ ad Fluvium Hasan jucundo, atque ad studia, tum propter illius, ac locorum viciniorum Incolarum bonam indolem, propter Annonae, & commeatuum opportunitatem, aliaque commoditates non parum commoda existit, necessariumque omnino videtur ad evellendam haeresim, formandos Parochos, & Ecclesias recte procurandas, eo maxime, quia in vicinis ditionibus, Principatibusque imperiarum Lutheri, & Calvinii sectatores publicas pravae doctrinae sectarum, & erronei dogmatis habent Scholas, seu Academicas, nempe Hemstaden., Bremen., Rentelen., Marsburgen., Gießen., & forsitan alias, ad quas illius Dioecesis multi locola proficiuntur, haustumque ibi haeresim virus in Civitatem, & Dioecesem, Populumque, & Plebem, ut experientia docet, effundunt: quod sine solida Philosophia, & Theologia traditione, ac disciplina fieri nequit, ut viri eruditi ad pastoralia officia formentur.

Quam Franciscus Episcopus curat.

§.2. Et propterea idem Franciscus Gulielmus Episcopus provide advertens, se in ipsa Civitate, utpote ad id, ut praefertur, non parum apta, & commoda pro infra scriptis facultatibus Academia, ut infra, erigatur, maxima, tam Ecclesia, quam universae reipublicae christianae commoda esse inde oritura, & hac via adolescentes ingeniosos, qui incredibili cum sumptu, parique animi, & corporis periculo in exteris regionibus obligantur esse remansuros, & ibi frequentes, atque idoneos, tam ex Civitate, & Dioecesi hujusmodi, quam aliis finitimis Civitatibus, Oppidis, & locis, etiam haereticis non desuturos, qui ad hujusmodi studia concurrant.

Et petit.

§.3. Cum autem, sicut eadem expositio subungebat, ipse Franciscus Gulielmus Episcopus Academiam pro Philosophia, & Theologia publica in ipsa Civitate Osnaburgensis, per Nos, ut infra erigi, atque institui, aliaque infra scripta fieri, atque ordinari summo desiderio desideret. Quare pro parte ejusdem Francisci Gulielmi Episcopi Nobis fuit humiliter supplicatum, quatenus ipsius

ipius Civitatis Osnaburgensis, decori, & venustati, ac illius Civium, & Dioecesanorum animarum saluti, & commoditatibus in praemissis opportune providere de benignitate apostolica dignaremur.

Ad quod efficiendum facultates eidem concedantur.

§.4. Nos igitur attendentes, quod ex literarum studio animarum salus maxime procuratur, ipsumque Franciscum Gulielmum Episcopum a quibusvis excommunicationis, suspensionis, & interdicti, aliaque ecclesiasticis sententiis, censuris, & poenis a jure, vel ab homine, quavis occasione, vel causa latis, si quibus quomodolibet innodatus existit, ad effectum praesentium dumtaxat consequendum, harum serie absolventes, & absolutum fore censentes, atque adificiorum ad usum dictae Academiae constructorum situationes, confines, & vocabula, denominationes, qualitates, & quantitates praesentibus pro expressis habentes, hujusmodi supplicationibus inclinati, in ipsa Civitate Osnaburgensis, & in aedibus a Collegio per eundem Franciscum Gulielmum Episcopum magno sumptu constructis unam publicam Academiam, in qua a Religiosis Societatis Jesu, seu aliis Professoribus, vel Lectoribus Philosophia, & Theologia Scholastica publice doceantur, ad instar aliarum Academicarum, tam in Transalpinis Provinciis, & Regnis, quam alias ubilibet institutarum, ex nunc, prout postquam idem Franciscus Gulielmus Episcopus sufficientem dotem pro praemissis omnibus de propriis patrimonialibus, aut aliis laicalibus bonis, non autem ex redditibus Beneficiorum Ecclesiasticorum, vel pro illorum dote, aut in alios pios usus destinatis, & relictiis perpetuo valide, & efficaciter, ac realiter, & cum effectu donaverit, & assignaverit, & non alias apostolica auctoritate, tenore praesentium perpetuo, sine tamen alicujus praesudicio, erigimus, & instituiimus: illique sic erecta, & instituta pro ejus onerum supportatione redditus per eundem Franciscum Gulielmum Episcopum, ut praefertur, assignandos ex nunc, prout postquam illos assignaverit, dicta auctoritate, etiam perpetuo applicamus, & approbamus.

Et hujusmodi Academiae ceterarum Academicarum privilegia concedantur.

§.5. Et insuper ejusdem Academiae Rectori, Magistris, Doctoribus, Lectoribus, Praeceptoribus, Scholaribus, aliisque illius Ministris, & Officialibus, ac personis, necnon membris, & subditis pro tempore existentibus, quod omnibus, & singulis privilegiis, facultatibus, indultis, libertatibus, immunitatibus, exemptionibus, antelationibus, praerogativis, favoribus, & gratiis, tam spiritualibus, quam temporalibus, quibusvis aliis, tam superioris, quam inferioris Germaniae Academiae, illarumque Rectoribus, Magistris, Doctoribus, Lectoribus, Praeceptoribus, Scholaribus, ac aliis Ministris, Officialibus, & personis, illarumque membris, & subditis pro tempore etiam existentibus in genere, vel in specie, aut aliis quomodolibet apostolica, vel alia auctoritate, aut aliis quomodolibet concessis, seu etiam praescriptis, ac im-

sterum conceden., vel praescriben., ac quibus illi, & illa de jure, usu, privilegio, vel consuetudine, aut aliis quomodolibet utuntur, fruuntur, potiuntur, & gaudent, ac uti, frui, potiri, & gaudere possunt, & poterunt quomodolibet in futurum, non solum ad instar, sed pariter, & pariformiter, ac aequipollenter, & sine ulla proferenda differentia, etiam per viam communicationis, seu novae concessionis, dummodo tamen illa sint in usu, nec revocata, nec sub aliqua revocatione comprahensa, Sacrisque Canonibus, & Concilii Tridentini decretis minime contraria, uti, frui, potiri, & gaudere.

Doctoribus quoque concessa privilegia.

§.6. Et praeterea, quod ejusdem Academiae vigore earundem praesentium erectae Scholares, tam seculares, quam quorumvis Ordinum, & Militiarum regulares illac undecumque advenientes, qui inibi Philosophiae, & Theologiae studebunt, ut eorum in facultatibus hujusmodi peractis curibus, ac alias servatis servandis, prout moris est, & in aliis, tam superioris, quam inferioris Germaniae Studiorum Generalium Universitatibus observari consuevit, & solet, & tam ibi Studentes, quam etiam alii, qui in aliis similibus Academicis, & Universitatibus quibuscumque catholicis studuerint, & post suorum Studiorum in eisdem facultatibus cursu peractis eo advenierint, inibi ad Baccalaureatus, Licentiatum, & Magisterii gradus promoveri, & postquam promoti fuerint, disciplinas, & artes, in quibus graduati fuerint, tam in praedicta, quam aliis quibuscumque Academicis, seu Studiorum Generalium Universitatibus, & aliis Gymnasiis quibuslibet, ac alias etiam ubilibet voluerint docere, legere, interpretare, ac in dictis disputare, necnon quoscumque gradui, seu gradibus per eos susceptis convenientes actus exercere.

Eidem Episcopo potestas facta condendi statuta.

§.7. Postremo dicto Francisco Gulielmo Episcopo, ut ipse, & pro tempore existens Episcopus Osnaburgensis, una cum Rectore ipsius Academiae, ut praefertur, erigenda, pro felici, & prospero regimine, & administratione Academiae hujusmodi, illiusque Rectorum, Magistrorum, Doctorum, Lectorum, & aliorum ejus officialium electione, nominatione, receptione, administratione, & scholarium institutione, visitatione, & correctione, quaecumque Statuta, Ordinationes, & Capitula licita, & honesta, ac Sacris Canonibus, & Concilii Tridentini, ac Constitutionibus Apostolicis non contrarias edere, condere, & promulgare, ac pro rerum, & personarum, ac temporum varietate, & qualitate, mutare, corrigere, reformare, ac alia de novo edere, condere, & ordinare; necnon super illorum observatione penas per contumaces, & contravenientes, vel in fractores incurrendas imponere libere, & licite valeant, auctoritate apostolica, & tenore praemissis indulgemus.

Clausulae.

§.8. Demum dictas praesentes, tamquam in divini cultus, & honorum operum, ac fidei

fidei orthodoxæ augmentum tendentes perpetuo validas, & efficaces esse, & fore, suosque plenarios, & integros effectus sortiri, & obtinere; Sicque, & non alias per quoscumque Judices ordinarios, & delegatos, quavis auctoritate fungentes, etiam causarum Palatii Apostolici Auditores, ac Sanctæ Romanæ Ecclesiæ Cardinales, etiam de latere Legatos, & Sedis Apostolicæ Nuncios, judicari, ac definiri debere; ac si fecus super his a quoquam, quavis auctoritate scienter, vel ignoranter contigerit attentari, irritum, & inane decernimus.

Derogatio contrariorum

§.9. Non obstantibus præmissis, ac quibusvis Apostolicis, necnon in synodalibus, provincialibusq; Conciliis editis specialibus, vel generalibus Constitutionibus, & Ordinationibus, ac quarumcumque aliarum Universitatum Studiorum Generalium, ac Academiarum, etiam juramento, confirmatione apostolica, vel quavis firmitate alia roboratis Statutis, & consuetudinibus, privilegiis quoque, & Literis Apostolicis, eisdem Academiis, illarumque Rectoribus, aliisque superioribus, & personis sub quibuscumque tenoribus, & formis, ac cum quibusvis etiam derogatoriis derogatoriis, aliisque efficacioribus, & insolitis clausulis, irritantibusque decretis in genere, vel in specie, aut alias quomodolibet concessis, approbatis, & innovatis; Quibus omnibus, etiam si pro illorum sufficienti derogatione de illis, eorumque totis tenoribus, specialis, specifica, expressa, & individua, non autem per clausulas generales idem importantes mentio, seu quævis alia expressio habenda, aut aliqua alia exquisita forma ad hoc servanda foret, illis aliis in suo robore permanentibus, hac vice dumtaxat specialiter, & expresse harum serie derogamus, ceterisque contrariis quibuscumque.

Clausule penales

§.10. Nulli ergo omnino hominum liceat hanc paginam nostræ erectionis, institutionis, applicationis, appropriationis, indulti, decreti, & derogationis infringere, vel ei ausu temerario contraire. Si quis autem hoc attentare præsumpserit, indignationem Omnipotentis Dei, ac Beatorum Petri, & Pauli Apostolorum ejus se noverit incursum.

Dat. die 22. Augusti. 1629. An.VII.

Datum Romæ apud Sanctam Mariam Majorem Anno Incarnationis Dominicæ millesimo sexcentesimo vigesimo nono, undecimo Kalendas Septembris, Pontificatus nostri Anno VII.

Taxa reddituum exigendorum pro Clericis alendis in Seminario Romano denuo præscripta.

Alumnorum Seminariorum materiam lege in Const. Clem.VIII. Tom.V. P.1 fol.366. ubi vide quid disti Alumnii gerere debeant quoad pietatem, precesiones, virtutes, studium orationis, & literarum custodiam.

URBANUS PAPA OCTAVUS

URBIS

Confirmatio applicationis, seu assignationis annuorum reddituum pro manutentione, seu subventionem Seminarium in Urbe erecti.

Motu proprio &c.

§.1. Cum sicut Nobis innotuit, pridem felicis recordat. Pius Papa Quartus Prædecessor noster, pro perpetua Seminarium puerorum ecclesiastici, per eum in Urbe apostolica auctoritate erecti, & instituti, necnon illius, ejusque Rectoris, & Alumnorum, aliorumque Ministrorum pro illius servitio necessariorum sustentatione, annuam, & perpetuam pecuniariam Collectam, seu Taxam super diversorum Urbis, & illius districtus Monasteriorum, seu aliorum Regularium diversorum Ordinum locorum, necnon ejusdem Urbis Basilicarum, Mensarum Capitularium, ac aliarum cum cura, & sine cura Ecclesiarum, ac Beneficiorum, & Cappellaniarum fructibus distincte impositam, & repartitam, ac per Monasteriorum, seu aliorum Regularium locorum hujusmodi Abbates, seu alios Superiores, aut perpetuos Commendatarios, vel alios Administratores, quavis auctoritate, & dignitate, etiam Cardinalitatis fungentes, necnon Basilicarum, & aliarum Collegiatarum Capitula, cæterarumque Ecclesiarum cum cura, & sine cura hujusmodi Rectores, ac perpetuos Beneficiarios, & Cappellanos Beneficia, & Cappellanas hujusmodi pro tempore obtinentes, annis singulis, in certis tunc forsan expressis terminis, ipsius Seminarium Rectori, aut ejus Ministris, vel Procuratoribus pro rata quemlibet tangente integre solvendam, juxta normam, seu ordinem impositionis Taxæ hujusmodi desuper emanatam, tenoris sequentis, videlicet.

Referet Taxam factam a Pio Quarto.

Nota. Monasteriorum, Capitularum, Parochiarum, Cappellarum, & Ecclesiarum, qua manutentioni Clericorum Seminarium contribuere debent.

- Monasterium Criptaeferrate scuta 150.
- Monasterium Farfense sc.150.
- Monasterium Sublacense sc.250.
- Monasterium S. Gregorii sc.85.
- Monasterium Trionfontium sc.200.

Mona-

- Monasterium S. Laurentii sc.60.
- Capitulum S. Mariæ Majoris sc.130.
- Capitulum S. Petri in Vaticano sc.1300.
- Capitulum S. Joannis Lateranensis sc.218.
- Capitulum S. Laurentii in Damaso sc.132.
- Capitulum S. M. in Transtiberim sc.66.
- Capitulum S. Mariæ Rotundæ sc.15.
- Capitulum S. Mariæ in Vialata sc.107.ob.40.
- Capitulum S. Marci sc.15. ob.75.
- Capitulum S. Nicolai in Carcere sc.12.
- Capitulum S. Eustachii sc.63. ob.50.
- Capitulum S. Angeli in Foro Piscium sc.27. ob.50.
- Capitulum SS. Juliani, & Celsi sc.38. ob.50.
- Capitulum S. Anastasie sc.10.
- Capitulum S. Mariæ in Cosmedin scut.38. ob.50.
- Capitulum S. Laurentii in Lucina sc.11.
- Parochialis Ecclesia S. Mariæ in Posterula scut.5.
- Parochialis Ecclesia S. Blasii della Fossa sc.6.
- Parochialis Ecclesia S. Salvatoris delle Cappellette sc.5.
- Parochialis Ecclesia S. Stephani in Piscinola sc.10.
- Parochialis Ecclesia S. Andreæ de Funaris scut.4.
- Parochialis Ecclesia S. Mariæ in Vallicella scut.6.
- Parochialis Ecclesia S. Salvatoris in Primitivo sc.5.
- Parochialis Ecclesia SS. Simonis, & Judæ scut.6.
- Parochialis Ecclesia S. Nicolai in Navona scut.7.
- Parochialis Ecclesia S. Agnetis in Navona scut.10.
- Parochialis Ecclesia S. Blasii de Annulo sc.5.
- Parochialis Ecclesia S. Salvatoris de Curtibus sc.5.
- Parochialis Ecclesia S. Mariæ in Grottapinta sc.12. ob.50.
- Parochialis Ecclesia S. Simeonis sc.5.
- Parochialis Ecclesia S. Cæcilie in Monte Jordano sc.4. ob.50.
- Parochialis Ecclesia S. Thomæ in Parione sc.4. ob.50.
- Parochialis Ecclesia Sancti Joannis in Ayna sc.4. ob.50.
- Parochialis Ecclesia S. Mariæ in Cacaberis scut.4.
- Parochialis Ecclesia S. Laurentii in Monte scut.4.
- Parochialis Ecclesia S. Joannis della Pigna scut.5.
- Parochialis Ecclesia S. Blasii ad Scalas Campitelli in Ara-Cœli sc.4. ob.50.
- Parochialis Ecclesia S. Salvatoris in pede Pontis sc.4.
- Parochialis Ecclesia S. Benedicti alla Regola scut.5.
- Parochialis Ecclesia S. Sebastiani della Valle scut.5.
- Parochialis Ecclesia S. Mariæ in Publiculis scut.5.
- Parochialis Ecclesia S. Martinelli sc.7.
- Parochialis Ecclesia S. Blasii della Tinta scut.7.
- Parochialis Eccl. S. Leonardi in Judæa sc.2.

Bull. Rom. Tom.VI. Par.I.

- Parochialis Ecclesia S. Mariæ in Campitello sc.2.
- Parochialis Ecclesia S. Martini in Foro Boario sc.7.
- Parochialis Ecclesia S. Mariæ de Curtis sc.5.
- Cappella S. Pauli in S. Maria in Campitello scut.25.
- Cappella S. Lucie in S. Cæcilia in Monte Jordano sc.3. ob.51.
- Cappella S. Andreæ ad Columnam in S. Maria in Via sc.2. ob.25.
- Cappella SS. Petri, & Pauli in S. Angelo in Foro Piscium sc.2. ob.50.
- Cappella SS. Laurentii, & Antonii in S. Stephano del Cacco sc.2.
- Monasterium Monialium Turris Speculorum sc.2.
- Cappella in S. Maria Rotunda sc.2.
- Cappella Sanctissimæ Trinitatis in S. Eustachio sc.2.
- Cappella SS. Patris Mutii, Coprete, & Alexandri in S. Maria in Vallicella sc.4.
- Cappella S. Nicolai in S. Maria in Campitello sc.7. ob.50.
- Cappella S. Joannis Baptistæ in S. Barbara scut.2.
- Cappella S. Nicolai in S. Maria in Via-Lata sc.1. ob.80.
- Cappella S. Nicolai in Monte in S. Marco scut.4.
- Cappella S. Mariæ Magdalene in S. Joanne Lateranensi sc.25.
- Cappella SS. Philippi, & Jacobi in S. Laurentio in Lucina sc.7.
- Cappella S. Jo. Baptistæ, & S. Lucie in Sancto Celso sc.4.
- Cappella SS. Sergii, & Bacchi in S. Hadriano scut.4.
- Cappella S. Mariæ Innocentii Papæ Octavi in S. Petro in Vaticano sc.12.
- Cappella S. Petronillæ in S. Petro in Vaticano sc.5.
- Cappella S. Marci in S. Petro in Vatic. sc.10.
- Cappella S. Nicolai in S. Eustachio sc.1. 50.
- Cappella S. Francisci in S. Marco sc.1. ob.50.
- Cappella S. Cæcilie in S. Maria de Planctu sc.2. ob.25.
- Cappella S. Joannis in S. Laurentio in Lucina sc.1. ob.50.
- Cappella S. Mariæ Magdalene in S. Angelo in Foro Piscium sc.1. ob.50.
- Cappella Sanctissimæ Nativitatis in S. Celso sc.2. ob.20.
- Cappella S. Annæ, & Conceptionis B. Mariæ Virginis in S. Laurentio in Damaso scut.2. ob.50.
- Cappella Sanctissimi Crucifixi in S. Laurentio in Damaso sc.2.
- Cappella S. Joannis Baptistæ in S. Laurentio in Lucina sc.1. ob.50.
- Cappella S. Lucie in S. Laurentio in Damaso scut.2.
- Cappella S. Mariæ Misidiana in S. Celso scut.2.
- Cappella S. Margaritæ in S. Laurentio in Damaso scut.2.
- Ecclesia S. Joannis in Campo sc.10.
- Cappella B. Virginis, & S. Laurentii in S. Angelo in Foro Piscium sc.3.

A a

Quoad